

## KONSOLIDASIYALASHGAN MOLIYAVIY HISOBOTLARNI TAQDIM ETISH

5. Bosh jamiyat konsolidasiyalashgan moliyaviy hisobotlarni taqdim etishi lozim, [6-bandda](#) tavsiflangan bosh jamiyatlar bundan mustasnodir.

6. O'z navbatida boshqa bir jamiyatga qarashli bo'lgan va boshqa jamiyat mulki hisoblangan bosh jamiyat, agar o'zining bosh jamiyati talab qilmasa va buning uchun kamchilik ulushi egalarining roziligi bo'lsa, konsolidasiyalashgan hisobot taqdim etmasligi mumkin.

Bunday bosh jamiyat o'zining alohida moliyaviy hisobotlarida quyidagilarni ochib berishi lozim:

a) konsolidasiyalashgan moliyaviy hisobot taqdim etilmagani sababini;

b) sho'ba jamiyatga investisiyalarni buxgalteriyada hisobga olishda foydalanilayotgan usulni;

v) konsolidasiyalashgan moliyaviy hisobot taqdim etadigan o'zining bosh jamiyati nomi va uning ro'yxatga olingan joyini.

Bosh jamiyat ham o'zida qaram jamiyatlar mavjud bo'lgan taqdirda konsolidasiyalashgan hisobotni tuzmaydi.

Bunday hollarning har biri buxgalteriya balansiga va bosh jamiyat natijalari to'g'risidagi hisobotga izohlarda ochib berilishi kerak.